

南

河

志

南河志卷之二

南河郎中朱國盛編輯

員外郎彭期生  
郎中顧民巖  
全較

郎中徐標續纂

河賦

河無賦也徵州縣之入以充費也然有湖塘草蕩官地之  
租徵以備河則河亦有賦矣因循前志原額增損俱詳列  
于左

椿草磚灰銀

儀真縣一十一兩八錢八分

江都縣一百三兩二錢

高郵州一百二十兩

寶應縣一百一十二兩八錢

山陽縣四十四兩

清河縣三十五兩六錢四分

糴麻磚灰銀

山陽縣三十二兩一錢二分

安東縣一兩七錢六分

閘夫停役銀

儀真縣七十二兩

泰州三十八兩四錢

又議裁革儀真縣閘夫扣留工食共銀三百三十八兩四錢

通州八十一兩六錢

泰興縣三十三兩六錢

又裁革協濟儀真縣閘夫扣留銀八十九兩二錢八分

又瓜洲閘磚灰銀九十九兩

本司裁革瓜洲閘夫四十名每名工食銀七兩二錢歲該銀二百八十八兩出自通州泰州泰興三州縣協濟解發揚州河廳扣貯江都縣庫聽河工作正支用年終造冊銷筭自天啓二年春季起

霸夫椿草銀

儀真縣代通州四錢八分

泰州一百四十七兩三錢六分

通州一十兩八分

泰興縣八十八兩三錢二分遇閏加銀二兩八錢

協濟境山呂梁二間椿草銀

高郵州一十四兩四錢遇閏加銀一兩二錢

又代興化二十二兩八錢遇閏加銀一兩九錢

通州四十三兩二錢遇閏加銀三兩六錢

泰州四十三兩二錢

泰興縣三十三兩六錢

額外錢糧

官地湖蕩草租銀高郵州一千一百七十兩四錢一分六

釐二毫七絲五忽內除前任郎中許應達蠲免郭真等

湖草租外今實徵銀四百一十五兩四錢六分三釐一毫

沿河官地租銀六十二兩五錢八分九釐

儀真縣陳公塘租銀三百二兩四分四釐三毫八忽一微一纖

蕩地租銀六十兩二錢八分三釐一毫三絲八忽九纖

江都縣湖蕩地租銀二百一十三兩九錢四分一釐一毫

寶應縣湖攤地租銀九十四兩五錢四分二釐二毫

山陽縣河租銀一十八兩七錢一分五釐

清河縣河攤地租銀三錢七分五釐

瓜洲閘綜頭每年輸剝船濟工銀二百四十兩

無定額錢糧

瓜儀二閘并清江廠船稅銀兩

夫役開曠銀兩

枯樹變價銀兩

河道贓罰銀兩

寶應縣泰山廟香錢

按前椿草磚灰銀為正額官地湖租等銀為額外正額



派有定規額外歲有盈縮總備河防之用云

# 職官

治河之官起自古也舜時伯禹作司空平水土三代因之漢則有都水長丞河堤使者晉則有都水臺使者後魏有水衡都尉河堤謁者隋則益以令丞唐有九河使宋有河隄判官勝國亦有都水監丞是皆專掌河道者也至於河決大變則遣重臣督之又非諸官之列矣

明興廢置不常至成化間南河始有定職云詳見河官考

聖祖開創定都金陵輸粟餉邊猶用海運督漕治河俱無專職

成祖徙都燕薊始脩漕渠

命侯伯各二員分理徐呂二

洪河道最後遣少卿郎中員外主事御史等官

景泰年遣都御史提督儀真瓜洲河道無何罷不用

天順年仍差淮安至儀真一帶管河主事而南河分司未設

成化年始差工部郎中奉

勅管理自沙河達儀真為南河官三歲一易駐劄徐州罷提

督淮揚河道主事

正德年改駐高郵遇糧運盛行移駐儀真

萬曆五年設中河郎中以珠梅等處屬之事差郎中一員  
管理南河具題請

勅行事候三年將滿預呈本部請代

四十三年兼領大工督木之

勅其所屬官吏俱列于左

勅諭所屬軍衛有司掌印管河官員賢否分別舉劾

淮安府

府司

清軍帶管海口同知

山清河務同知

山陽縣

知縣

管河主簿

二員

清江閘閘官

福興閘閘官

板閘閘官

河泊帶管

高堰所大使

清河縣

知縣

管河典史

通濟閘閘官

揚州府

府司

管河通判

瓜洲閘閘官

江都縣

知縣 管河主簿

儀真縣

知縣 管河典史

清江關閘官

高郵州

知州 管河判官

寶應縣

知縣 管河主簿

淮安 大河 揚州 儀真 高郵等衛指揮

# 年表

史官紀事必立年表俾得考其遷擢述其勲猷成化至今百有六十年矣濟濟多賢河漕著績宜表章之

成化三年宋訥字近仁南直華亭人

天順丁丑進士

五年吳英字邦俊江西崇仁人

天順庚辰進士

六年陳言字師召福建莆田人

天順甲戌進士

七年崔陞字廷進河南安陽人

成化己丑進士

八年郭昇字騰霄河南潁州人

天順庚辰進士

十四年潘洪字裕夫南直宿遷人

成化乙未進士

十八年顧餘慶字崇善南直長洲人

成化壬辰進士

二十一年楊榮字時秀浙江餘姚人

成化壬辰進士

二十三年曹元字以貞直隸含山人

成化乙未進士

弘治三年吳瑞字德徵南直崑山人

成化乙未進士

四年李景繁字

河南儀封人

成化己丑進士

六年王璵字德華山西太原人

成化甲辰進士

九年謝緝字維熙江西樂安人

成化辛丑進士

十二年張偉字汝賢四川內江人

弘治丙辰進士

十四年劉浩字元充江西安福人 成化丁未進士

十七年張瑋字嘉玉南直蘇州人 成化丁未進士

正德元年曹忠字原孝南直江陰人 成化丁未進士

三年周郁字 直隸阜城人 成化己丑進士

六年謝忠字汝政浙江上虞人 弘治己未進士

七年胡灋字百鍾廣東南海人 弘治癸丑進士

九年茅思義字繼賢山東信陽人 弘治壬戌進士

十年姚鵬字鳴南浙江崇德人 弘治壬戌進士

十一年廖紀字惟修湖廣黃梅人 弘治乙丑進士



南溪志卷之二  
十三年鄭濬字克明福建閩縣人弘治壬戌進士

十五年戴恩字子充南直上海人正德辛未進士

十七年楊最字殿之四川射洪人正德戊辰進士

嘉靖元年蔣益字守謙南直武進人正德辛未進士

三年王承恩字天寵直隸高陽人正德甲戌進士

四年陳毓賢字則英福建長樂人正德丁丑進士

劉璣字德夫陝西盤屋人正德甲戌進士

五年丘茂中字子時福建莆田人正德辛未進士

七年丁洪字季學江西鉛山人正德甲戌進士

九年黃行可字兆見福建莆田人 正德辛未進士

十一年金述字鳴卿浙江鄞縣人 思生

十二年金克厚字弘載浙江僊居人 嘉靖癸未進士

十三年鄭綱字南金福建懷安人 嘉靖丙戌進士

十四年涂捷字良翰江西豐城人 嘉靖己丑進士

十六年畢鸞字明治陝西鳳翔人 舉人

十九年郭應奎字致祥江西泰和人 嘉靖己丑進士

二十一年邵南字文化浙江烏程人 嘉靖乙未進士

二十三年茅愷字達和浙江江山人 嘉靖乙未進士

二十四年謝體升字明之江西吉水人 嘉靖戊戌進士

二十六年陳珥字宣甫浙江餘姚人 嘉靖辛丑進士

二十九年鄧璽字邦符湖廣龍陽人 貢生

三十年張承叙字懷德直隸固安人 嘉靖甲辰進士

三十一年彭澄字一清江西萬載人 貢生

三十三年包應麟字子瑞浙江臨海人 嘉靖庚戌進士

三十五年李方至字如川四川富順人 嘉靖庚戌進士

三十六年葉繼美字兆中福建閩縣人 舉人

三十七年臧繼芳字原實浙江長興人 嘉靖癸丑進士

三十九年杜思字子睿浙江鄞縣人

嘉靖丙辰進士

四十一年應存性字成之浙江僊居人

嘉靖丙辰進士

四十二年程道東字明吾南直歙縣人

嘉靖己未進士

隆慶元年沈子木字汝南浙江歸安人

嘉靖己未進士

二年朱應時字子中浙江餘姚人

嘉靖壬戌進士

王楣字光大直隸遵化人

嘉靖乙丑進士

四年張純字碩恒福建漳浦人

嘉靖乙丑進士

六年吳自新字伯恒南直祁門人

隆慶戊辰進士

萬曆元年熊子臣字國仕江西新昌人刻南河紀畧

嘉靖乙丑進士

三年屠元沐字沂春浙江嘉興人

嘉靖乙丑進士

四年陳詔字宣卿福建晉江人

隆慶辛未進士

殷建中字敏菴南直吳縣人

隆慶戊辰進士

五年施天麟字以德南直清陽人

隆慶辛未進士

六年張譽字惺菴江西新建人加正四品服俸於京堂

內推用陞太僕寺少卿添註管事

隆慶辛未進士

十一年許應達字鴻川浙江嘉興人加正四品服俸於

京堂內推用陞太僕寺少卿添註管事

隆慶戊辰進士

十四年羅用敬字文洲江西南昌人贈太僕寺少卿

丁丑  
進士

十七年黃曰謹字元祇福建鎮海人萬曆丁丑進士

二十年沈季文字太素南直吳江人萬曆丁丑進士

二十二年詹在泮字定齋浙江常山人萬曆癸未進士

二十四年李元齡字仁卿四川華陽人加從四品服俸

萬曆丁丑  
進士

二十七年顧雲鳳字瑞菴南直常熟人加正四品服俸

萬曆丙戌  
進士

三十三年沈孝徵字玄海浙江海鹽人萬曆戊戌進士

三十五年畢自嚴字白陽山東淄川人 萬曆壬辰進士

楊欝字天植山東德州人 萬曆壬辰進士

三十七年景昉字寰果山西安邑人 萬曆乙未進士

四十年何慶元字六陽南直六安人 萬曆戊戌進士

四十三年李之藻字我存浙江仁和人陸太僕寺少卿

萬曆戊戌進士

四十六年徐待聘字紹虹南直常熟人 萬曆辛丑進士

天啟元年朱國盛字敬韜南直華亭人加陞河南叅政職銜

萬曆庚戌進士

五年彭期生字觀民浙江海鹽人萬曆丙辰進士

六年顧民鼎字霞觀浙江嘉興人舉人

崇禎二年徐標字準明山東濟寧州人天啓乙丑進士



# 公署

傳曰司空以時平易道路圻人以時填館宮室夫官有上下署有崇卑鳥革翬飛聽政之所躋居也正會冥噦退食之所燕息也堂室有序必列其目署之所有咸紀于篇而浮家泛宅亦本司之行署也因載官舫于後而官屬之廨宇亦以次附焉

河署在高郵治中市橋西前為大門三間

外有平水開碑門之柵

欄外朝南舍快班房三間街南朝北府州衛官廳各三間

後有空

地一段各門樓一座朝北官吏皂隸民壯家丁轎夫計五

項各房一間舍快買辦房三間東為更樓大門內迎賓館

三間次儀門內正堂三間

中有題名碑

東麗澤堂三間

中有額

照廳三間內土神祠一間

中有退省堂碑

客廚房三間書吏公廨

十間廚房一間東西皂隸房各五間內東過衙一間大堂

傍茶廚房三間後工字廳三間私堂三間私堂之東坐嚕

軒三間書房一間後有隙地本司朱造修竹窩一間又後

宅一所東西小房共十五間牆門內川堂一間堂屋五間

毓繇樓上下共十四間東廚房二間牆門西南小書房二

帶共六間西側關廟一小間由西北小徑紆行百步為園池一所內直方亭三間包後湫暗天啓元年本司朱用價二兩買義民唐用中地折建調鶴軒三間由板橋而北則有洗心亭環以水植芙蓉桃梅榴桂諸花畜雙鶴徘徊其下為公餘檢帙之所

淮安行署一所在都府後舍宇傾圯久不脩治俟山陽縣設處錢糧買料建蓋方可駐劄

新河楊家廟行署一所亦因傾圯本司朱設處錢糧委山陽縣裏河主簿季子寧督修前大門三間東西皂隸房各

二間二門一座東西耳門各一座內正堂三間東西書吏  
廚房各三間俱修葺完固責令老人看守即暫為什料之  
廠

儀真行署一所日久頽廢止存地基

清河縣行署一所廳房三間傍廚房二間在惠濟祠後  
高郵南門外珠湖別墅一所天啓三年建為諸生講習課  
試之處前面西大門三間內面南傍小房二間門樓一座  
內廳房三間又門樓一座後廳三間側首小房二間朝西  
樓房上下六間後空院一區

淮安府管河同知公署一所在清河縣甘羅城

揚州府管河通判公署一所在府西南

山陽縣外河主簿公署一所在清江浦裏河東崖

柳浦灣大使公署一所在本堤

高堰前後縣院二所以下為往來士客中大處

本堰商老堤公署一所

高郵六漫溝公署一所

本司座船三隻

一號一隻水手十名工食脩船銀兩出自高郵州其辦

物料出自泰州

二號一隻水手十名工食出自邳州睢寧二州縣脩造  
出自淮安府

清字號一隻原係儀真磚廠分司裁革分屬本司水手  
八名工食出自高郵州又二名工食出自寶應縣脩  
造工費出自儀真縣以上三船每歲一小脩三年一  
大脩十年打造

# 祠廟

鄭僑除途不毀遊氏之廟漢武巡狩徧脩上古神祠祠廟  
者帝王卿相所護持也南河非社稷主而沿堤之壽宮屬  
焉歲有享祀河漕實嘉賴之修河者所不敢忽云

惠濟祠

在清河縣南鎮黃淮交匯之處

文華寺

在清河縣永濟河口萬曆十年移建

天妃宮

在淮安郡城西隅水際

淮神廟

正德間賜額下三廟屬清河縣

東嶽廟

萬曆四十五年建今移馬頭鎮

大王廟

萬曆七年建天啓三年本司朱顏其額曰利涉

大川

郎中徐標與巡漕御史龔一程會建坊題曰駕祐河漕

淮安大王廟

郡城西門外里許相傳為金龍四大王宋

時建萬曆三十七年重脩下十廟屬山陽縣

柳將軍廟

淮郡西門外對河嘉靖四十五年以勦倭

有功建

海神廟

在鎮海莊隆慶六年勅建

三官廟

在武家墩

高家堰關帝廟

楊家廟大王廟

二廟俱天啓四年本司朱重修



清江浦大王廟 天啓三年重修

安樂鄉大王廟 萬曆四十二年建

柳浦灣龍王廟 萬曆二年建

晏公廟 嘉靖三十七年建

泰山廟 在寶應北門淮楊江南士民奉香火不絕

下十廟屬寶應縣

武安王廟

清源道君廟 二廟俱在懷關樓萬曆十三年建

東嶽廟 在西堤呂家潭萬曆十三年建

大王廟

在弘濟河南關

關王廟

在弘濟河北關萬曆十二年建

大王廟

在閘河裏萬曆二十年建

海神廟

萬曆八年建

晏公廟

在白田鋪萬曆十二年建

黃浦龍王廟

伍龍王廟

在高郵州清江浦鎮北下五廟屬高郵州

康澤侯廟

在新開湖俗稱七公廟

崇禎間郎中徐標捐貲倡新之

平水大王廟

在杭家嘴

行祠廟

在西湖嘴正德九年建

奶奶廟

在州北門嘉靖四十三年建

龍王廟

在露筋閘口下七廟屬江都縣

露筋廟

在邵伯湖口宣德間湯節建天啓三年本

司朱

重修

關帝廟

在瓜洲閘口正德十年建

迴龍庵

在鈔關北萬曆三十二年建

泰山奶奶廟

在揚州河東

高真廟

在瓦窪舖

龍王廟

在腰舖

惠濟祠

在清河口嘉靖初賜額本司朱捐俸百金

昇建方亭廟宇一新

宋文丞相祠

諱天祥在楊州南郭外

明陳恭襄祠

諱瑄以平江伯出總河道

吳公祠

諱桂芳在高郵保和舖萬曆五年建

李公祠

諱世達在弘濟河

王公祠

諱宗沐

李公祠

諱三才

陳公祠

諱薦三祠俱在淮安西門外上五祠皆係

總督漕運都御史

劉公祠

諱東星總督漕河尚書在界首鎮萬曆三

十一年建

潘公祠

諱允端為漕儲道在瓜洲鎮

應公祠

諱存性在寶應縣

詹公祠

諱在泮萬曆二十五年建

黃公祠

諱曰謹二祠在高郵橫軍樓

許公祠

諱應遠

羅公祠

諱用敬二祠在弘濟河

顧公祠

諱雲鳳一在高郵徐家橋一在界首鎮萬

曆三十三年建

李公祠

諱之藻一在高郵杏壇東一在寶應北門

萬曆四十七年建

徐公祠

諱待聘在寺巷天啓元年建

朱公祠

諱國盛

淮揚士民公建高郵南門外公不居改為珠  
沙書院即中徐標額曰司空別署

舖舍

漢制十里一長亭五里一短亭以便文檄往來所謂置郵傳命今之九里舖是也若南河舖舍非為傳檄而設平江伯創以居撈淺之夫者也蓋夫無舍則散居村落有舍則住傍河堤且使守望得以相儆今舖舍多廢夫罕供役惟在當事者清復之

江都縣舊四座新六座

高郵州十三座俱傾圯天啓二年本司朱脩建九座又舖傍起建草房各二間便夫安息

寶應縣九座萬曆元年建天啓二年本司行縣每淺添蓋草

房五間

山陽縣七座

清河縣一座

按夫役坐派各有信地宜于近堤者僉充俾得居以防  
守河工自可呼吸相應本司蒞任之始見每年領銀備  
造淺鋪皆為烏有雖極力查建夫罕就居清夫條議論  
之已詳茲不多及

夫役



夫役有四淺夫主撈濬也堤夫主防守也募夫牙行出錢募以供役者也閘夫主閘之啓閉挽船以遡流者也三夫皆出條鞭募夫則詳列其顛末于後

淺夫儀真縣上河二十七名下河三十名江都縣一百七十一名高郵州二百名寶應縣一百八十八名山陽縣一百二十名清河縣三十五名

堤夫寶應縣越河五十名內除裁革三十名其工食出自通州如皋興化鹽城寶應五州縣計二百四十六兩貯庫專備河工支用實夫止二十名高家堰三百六十五名工食

出自淮安府歲修四稅揚州府由閘按季行府支給內除撥板閘二十名止存三百四十五名

募夫山陽縣九百名出牙行徵給

按募夫原係淮安府牙行出河夫一千八百名以備河防之用都科常尼敬題准議以二名併一名疏改長夫九百名常川在河供用後以各夫影射悞工郎中李之藻淮徐道袁應泰酌議徵銀每名歲徵九兩七錢三分在官計工催募後牙行日增而吏胥通同侵占即舊額之數日減月消本司嚴提作弊吏書樊繼芳等究贓擬

徒招呈總河陳公道亨批允發落訖隨行通判連躍按  
冊清查凡得三千餘名每名議減七兩有奇復除免優  
恤五千餘兩每歲約徵銀計一萬七千八十七兩三錢  
二分九釐委府佐四季徵收仍除舊額九百名該八千  
七百四十八兩解貯府庫專聽募夫并河工應用餘銀  
近該道詳議暫給防兵新餉等項復奉文摠歸河工第  
地方凋疲牙行消長故不敢輒以額聞而吏書復圖新  
帖暗消侵收拖欠六千兩有餘迨本司親核河廳嚴比  
方得補額若欲清其源則在立法給帖以司道發單掛

號該府用印註給欲杜其流則在立法徵比該廳印給  
由票旋給印簿每日隨收登記票歸納戶銀投櫃中至  
夜繳簿計日當堂折封底弗為吏胥所侵漁而得實為  
公家之用是在官得其人以無墮此法耳

關夫儀真關一百七十三名額該泰州八十名通州二十一  
名并泰興七十一名儀真一名瓜洲關一百六十名額該  
泰州九十名泰興七十名俱解銀以給

按瓜洲關夫內多包占生事詐害商船本司清查罪責  
議革四十名申詳總院自天啓二年始以其工食銀扣

江都縣庫聽候作正供用如糧運或行則調高江淺夫助其挽拽夫食不至虛糜商民亦無擾害

清江閘五十八名福興閘三十名共八十八名額該山陽縣七十三名安東縣二名淮安府一十三名內清江閘夫分撥通濟閘二十名實存六十八名

板閘夫五十名額該山陽縣二十名高家堰夫撥充二十名

按本閘因開月河便利夫自可省自萬曆四十八年至今計裁車夫二十名又逃曠八名其工食扣貯縣庫實

夫止二十二名

通濟閘夫三十名額該安東縣二名淮庫黃壩工食二十八名

按以上淺閘等夫原額頗多邇來河道有變遷閘座有緩急或衰多益寡以均工用或裁夫徵銀以免包占因時制宜總禪河道之實用云爾

## 淺船

史稱物不素具不可以應猝漕為重務運道有阻邊且呼

庚故既設夫以防淺備欽以發於矢然必船具而後撈濬之功可施邇來夫多虛應船不復存一有所濬必至擾民應猝之具安在今既清復淺夫議損船額以資實用而備造之法畧陳梗槩云

舊志開載淺船儀真六隻江都二十二隻今議置十隻高郵七十

六隻今議置二十五隻寶應六十八隻今議置二十五隻山陽三十隻清河

四隻

按今淺船皆屬烏有舊規每造一隻費逾八金不若取之捕鹽諸船給以官價大者兩許小者錢計脩之以令

淺夫掌管復汰其額之半使易于遵守近移文鹽院行  
山陽署印連同知高郵胡知州俱以獲舟三十本司給  
銀脩好而印河官遂置不問旋復湮滅蓋衙官諸役利  
于取舟以虐民故也然船不可缺民不宜擾販船不足  
必至補造須擇殷實淺夫以屬之記其年月限期給值  
脩費故壞支吾者罰如是則責有所歸不至速朽矣

## 物料

詩云涉渭為亂取厲取鍛夫宮室有料河工亦然然料以



用需價以時定萬曆初年既罷諸役之納而入條鞭矣至二十年本司郎中沈始酌議物料以定其價申詳確守誠當時之良規也但物有貴賤價有低昂預定于先庶可酌宜于後因悉依沈公所定而編列之至于悉無膠柱法必隨時則在當事者權其輕重云爾

一紅草每十斤

八九月間收買安東縣二釐山陽清河三釐高寶江都三釐儀真三釐五毫

十二月以後收買

如時價果賤照八九月例  
并如時價或昂遞增二釐

安東縣四釐

山陽清河五釐高寶江都五釐儀真五釐三毫

一蘇麻每斤

七八月間收買邳州五釐

十二月以後收買清河七釐山陽高寶八釐江儀一分

一黃麻收買每斤儀真八釐江都高寶一分山清一分二釐

一蘆柴每三十斤一束

八九月間收買安東一分山清一分二釐高寶江儀一分

四釐

十二月以後收買安東一分三釐山清一分五釐高寶江

儀一分五釐

一線麻每斤

山清二分高寶江儀一分五釐

一稻草每束重十斤

山清高寶江儀俱二釐

一草繩每套重九斤計四十八條每條長二丈二尺

清河高寶江儀俱二分山陽一分三釐

惟山陽用蒲草粗澁不堪故價

獨

一芬草每三十斤

打繩用

山清二分高寶江儀三分

一類草每三十斤

打繩用

山清三分高寶江儀四分五釐

一糯米每石

山清六錢高寶江儀五錢五分

一紅米每石

此項須照豐歉定價

山清高寶江儀俱四錢

一綯纜每條長十二丈

山清二錢江儀一錢五分高寶一錢七分

一 拔披每條長十三丈

山清收買價二錢拘匠打造價一錢六分高寶江儀不用

一 石灰每石

山清三分高堰在老  
子山買高寶江儀五分

一 徐州青面石每丈濶一尺二寸厚一尺

山清採買山價一錢六分車脚一錢三分四釐船價運至清河一錢六分運至高堰加四分高寶江儀不用

一 徐州碎裏石每丈

山清採買山價八分車脚八分船價五分高寶江儀不用

一龍潭山青面石每丈每塊長二尺五寸濶一尺二寸厚一尺合式者

山清高寶江儀採買山價二錢四分運至儀真船價一錢運至江都船價一錢二分運至高郵船價一錢四分運至寶應船價一錢六分運至山清高堰船價一錢八分如在五六月間裝運照前遞減銀二分

一龍潭山青面石每丈每塊如長一尺八九寸二尺濶一尺

一寸厚九寸不合式者俱照麻面石相熟採用

山清高寶江儀採買山價一錢六分運至儀真船價八分運至江都船價一錢運至高郵船價一錢二分運至寶應船價一錢四分運至高堰船價一錢六分如在五六七八月裝運照前遞減銀一分

一龍潭山青裡石每丈

山清高寶江儀採買山價八分運至儀真船價五分運至江都船價六分運至高郵船價七分運至寶應船價八分運至高堰船價一錢

一、嵯峨山麻面石每丈每塊長二尺五寸濶一尺二寸厚一尺合式者

山清高寶江儀採買山價一錢六分運至儀真船價七分運至江都船價九分運至高郵船價一錢一分運至寶應船價一錢三分運至山清高堰船價一錢六分

一、嵯峨山麻裡石每丈

山清高寶江儀採買山價八分運至儀真船價五分運至江都船價六分運至高郵船價七分運至寶應船價八分運至山清高堰船價一錢



一石匠

每整細青面石一丈工銀一錢撥砌工銀一分  
每整細麻面石一丈工銀八分撥砌工銀一分  
每砌裡石一丈計二路工銀一分

一椿木俱在瓜儀差官收買

一尺圍圓每根價銀三分儀真無水脚江都水脚銀二  
釐高寶水脚銀四釐山清水脚銀五釐

一尺一寸圍圓每根價銀三分五釐儀真無水脚江都  
水脚銀二釐高寶水脚銀四釐山清水脚銀五釐

一尺二寸圍圓每根價銀四分五釐儀真無水脚江都

水脚銀二釐高寶水脚銀四釐山清水脚銀五釐

一尺三寸圍圓每根價銀五分五釐儀真無水脚江都

水脚銀二釐高寶水脚銀四釐山清水脚銀五釐

一尺四寸圍圓每根價銀六分五釐儀真無水脚江都

水脚銀二釐高寶水脚銀四釐山清水脚銀五釐

一尺五寸圍圓每根價銀八分儀真無水脚江都水脚

銀二釐高寶水脚銀四釐山清水脚銀五釐

一尺六寸圍圓每根價銀一錢一分儀真無水脚江都

水脚銀三釐高寶水脚銀五釐山清水脚銀六釐

一尺七寸圍圓每根價銀一錢四分儀真無水脚江都

水脚銀三釐高寶水脚銀五釐山清水脚銀六釐

一尺八寸圍圓每根價銀一錢七分儀真無水脚江都

水脚銀三釐高寶水脚銀五釐山清水脚銀六釐

一尺九寸圍圓每根價銀二錢儀真無水脚江都水脚

銀三釐高寶水脚銀五釐山清水脚銀六釐

二尺圍圓每根價銀二錢三分儀真無水脚江都水脚

銀三釐高寶水脚銀五釐山清水脚銀六釐

二尺一寸圍圓每根價銀二錢七分儀真無水脚江都  
水脚銀四釐高寶水脚銀六釐山清水脚銀七釐

二尺二寸圍圓每根價銀三錢一分儀真無水脚江都  
水脚銀四釐高寶水脚銀六釐山清水脚銀七釐

二尺三寸圍圓每根價銀三錢五分儀真無水脚江都  
水脚銀四釐高寶水脚銀六釐山清水脚銀七釐

二尺四寸圍圓每根價銀三錢九分儀真無水脚江都  
水脚銀四釐高寶水脚銀六釐山清水脚銀七釐

二尺五寸圍圓每根價銀四錢三分儀真無水脚江都

水脚銀四釐高寶水脚銀六釐山清水脚銀七釐

二尺六寸圍圓每根價銀四錢七分儀真無水脚江都

水脚銀五釐高寶水脚銀七釐山清水脚銀八釐

二尺七寸圍圓每根價銀五錢一分儀真無水脚江都

水脚銀五釐高寶水脚銀七釐山清水脚銀八釐

二尺八寸圍圓每根價銀五錢五分儀真無水脚江都

水脚銀五釐高寶水脚銀七釐山清水脚銀八釐

二尺九寸圍圓每根價銀五錢九分儀真無水脚江都

水脚銀五釐高寶水脚銀七釐山清水脚銀八釐

三尺圍圓每根價銀六錢三分儀真無水脚江都水脚  
銀五釐高寶水脚銀七釐山清水脚銀八釐

以上俱照舊規用鈔尺圍量水脚分為四等一尺五  
寸以下二尺以下二尺五寸以下三尺以下遞加銀  
一釐

一 雜料

生鐵每斤銀五釐

熟鐵每斤銀一分

鐵釘高寶每斤銀一分五釐江儀每斤銀一分二釐山

清每斤連炭一分三釐

桐油每斤銀一分

煤炭每石重一百斤銀八分白布每疋長二丈銀一錢二分紅布每疋長一丈八尺銀一錢二分

雜工

木匠剗樁每百段工銀一分五釐

笆匠打笆每丈工銀三釐

鋸匠每名解板以長一丈高一丈給工食銀二分如鋸樁雜用每日止給食米二升

打繩匠每名給食米二升

一椿木照依總河部院定價召商收買

一尺圍圓每根銀五分

一尺一寸圍圓每根銀六分

一尺二寸圍圓每根銀七分

一尺三寸圍圓每根銀八分

一尺四寸圍圓每根銀九分

一尺五寸圍圓每根銀一錢

一尺六寸圍圓每根銀一錢四分五釐



一尺七寸圍圓每根銀一錢九分

一尺八寸圍圓每根銀二錢二分五釐

一尺九寸圍圓每根銀二錢七分

二尺圍圓每根銀三錢一分五釐

各水脚在外

按物料必得構廠以居之廳縣封識鎖鑰維嚴盛貯有法出入有經奸吏無敢侵漁工匠無敢破冒既無散失復無朽蠹則今歲未盡之料可用于來年耳近多棄料于野有廠無榱胥代硃批木歸私室此余憤惋而特嚴置廠之條也

# 樹株

昔秦人聚榆成塞漢將因柳結營凡河之種柳蓋自平江  
伯始也根株足以護堤身枝條足以供捲婦清陰足以庇  
緯夫柳之功利信溥矣咸履任之初即令徧種三歲之間  
僅堪拱把已可沿堤而紀其株夫蓄艾必宜未病之先儲  
穀不在已饑之後十歲之計猶異後人之培植云